



Cov Lus Nug Feem Ntau Txog Thaum Cov Xibfwb Muaj Kev Tawm Tsam (Strike)

1) Lus Nug (Q): Cov tsev kawm ntawv puas yuav raug kaw thaum muaj kev tawm tsam?

Lus Teb (A): Tsis kaw. Fresno Unified yuav cia cov tsev kawm ntawv qhib, npaj kom muaj kev nyab xeeb thiab muaj kev ua haujlwm thaum cov xibfwb tawm tsam tsis tuaj ua haujlwm.



2) Q: Tam sim no FTA twb pov ntawv tawm suab los tawm tsam lawm, thaum twg lawv yuav tawm tsam? (Pauv tshiab 10-11-17)

A: Tsis paub. Kev tawm tsam yuav tshwm sim tom qab ua kev soj ntsuam tiav. Cov hnuv teem rau qhov kev soj ntsuam yog rau lub Kaum Ib Hlis hnuv 6 thiab 7. Tom qab kev soj ntsuam tiav, yog FTA txiav txim siab los tawm tsam, lawv yuav tsum tau ceeb toom qhia rau District paub txog hnuv lawv tawm tsam. Tom qab ntawd mam li qhia rau cov neeg ua haujlwm, niam txiv thiab lub zej zog.

3) Q: Vim li cas lub District thiaj muaj nyiaj them tau cov xibfwb hloov ib tug \$500 tauj ib hnuv rau lub sijhawm tawm tsam ntawd?

A: Ib tug xibfwb qhov nyiaj hli raug ntau tshaj li ntawm \$ 400 ib hnuv. Txhua hnuv thaum cov xibfwb tawm tsam, District yuav tsis them nyiaj hli thiab cov hnuv so rau lawv. Cov nyiaj them mus rau lawv cov nyiaj laus (STRS retirement) yuav raug txo tawm rau cov hnuv lawv tawm tsam tsis mus ua haujlwm. Yog vim lis no, lub District thiaj them tau cov xib fwb hloov qhia ntawv thaum muaj kev tawm tsam.



4) Q: Yog thaum cov xibfwb tawm tsam, cov niam txiv puas tseem coj tau menyuam mus tso rau tsev kawm ntawv saib xyuas ua ntej thiab tom qab kawm ntawv tas? (Pauv tshiab 10-11-17)

A: Tau. Green Shack, ASES thiab kev pab them rau cov hnuv zov me nyuam ntxiv mus raws li tau npaj tseg. Thaum cov xibfwb tawm tsam tsis mus ua haujlwm thiab yuav kom muaj kev nyab xeeb rau cov tsev kawm ntawv, lub District npaj tias tag nrho cov dej num nyob hauv cov tsev kawm ntawv yuav tsis muaj, xws li tej kev sib tw, ncaws pob, kev qhia, thiab kev sib koom yuav raug ncua.

5) Q: Yog tias FTA pov npav pom zoo tawm tsam, txhua tus tswv cuab nyob FTA puas yuav tsum nrog tawm tsam thiab?

A: Tsis tawm. Ua ib tug tswv cuab hauv FTA tib yam li tus xibfwb, tus neeg saib mob los yog tus kws ntsuam xyuas lus hais yuav tsis raug yuam kom tawm tsam. Txhua tus tswv cuab yeej muaj cai xaiv seb nws puas koom nrog kev tawm tsam.

6) Q: Yog tias tus xibfwb txiav txim siab tawm tsam, lub District puas them nyiaj rau lawv?

A: Tsis them. Yog tias tus neeg ntawd txiav txim siab tawm tsam, lub District yuav tsis them nyiaj rau txhua hnuv uas nws tawm tsam. Kev tawm tsam yog tsis mus ua hauj lwm thiab cov tawm tsam yuav tsis raug them nyiaj. Cov nyiaj laus (STRS-retirement) yuav raug txo rau txhua tus xibfwb koom kev tawm tsam.

7) Q: FTA puas yuav them nyiaj rau cov xibfwb thaum lawv koom kev tawm tsam?

A: Tsis paub. Mus ntsib tus neeg sawv cev rau lub koom haum koj nyob ntawd seb lawv teb licas.

8) Q: Cov hnuv ua tau poob los ntawm kev tawm tsam lawm, peb muab ntxiv rau thaum xyoo kawm ntawv xaas puas tau?

A: Tsis tau. Fresno Unified yuav qhib tsev kawm ntawv, muaj kev ruaj ntseg thiab ua haujlwm. Yuav tsis muaj ntxiv caij nyoog kawm ntawv lossis ntxiv hnuv rau xyoo kawm ntawv.

9) Q: Thaum tus xibfwb tawm tsam tsis ua haujlwm, nws thiab nws tsev neeg puas tseem tau txais lawv tej kev pab kho mob?

A. Tau. Thaum cov neeg tawm tsam, lawv yuav tsis tau txais nyiaj hli, tiamsis lawv thiab lawv tsev neeg yeej yuav tsis tu ncuu lawv tej kev pab kho mob. Tiamsis cov nyiaj laus (STRS-retirement) yuav raug txo rau txhua tus koom kev tawm tsam.

10) Q: Cov xibfwb puas siv tau cov sij hawm so los sis cov hnuv mob los tiv thaiv cov nyiaj them lawv thaum lub sij hawm lawv tawm tsam tsis ua haujlwm?

A: Tsis tau. Yog thaum muaj kev tawm tsam tsis ua haujlwm, lub District txwv tsis pub siv cov sijhawm so thiab cov hnuv mob. Tus Tuam Thawj Saib Kev Kawm lossis cov neeg nws tso cai thiab yuav txiv txim zam tau xwb.



11) Q. Cov neeg ua haujlwm ua tsis yog tswv cuab hauv FTA siv puas tau lawv cov hnuv so, hnuv mob lossis cov sijhawm them so (paid time off) thaum muaj tawm tsam thiab raug them nyiaj? (Pauv tshiab 10-11-17)

A. Tau. Cov lus cog tseg qhia tseeb hais cov neeg ua haujlwm tsis nyob hauv FTA, tsis muaj cai tawmtsam. Txawm lawv muaj cai siv lawv cov hnuv mob, lossis cov hnuv so thiab hnuv tus kheej xav siv, lawv yeej siv tau. Tabsis, yog thaum lawm siv lawv cov sijhawm so tiamsis ho pom lawv mus koomtes nrog kev tawmtsam ces lawv yuav raug ntuas.

12) Q: Kuv puas tseem koom tau nrog tej kev kawm, kev sib tham, Accountable Communities, thiab Buy Back Days thaum muaj kev tawm tsam?

A: Tsis tau. Txhua yam kev kawm, kev sib koom yuav tsis muaj.

13) Q: Lwm cov koom haum (union partners) puas koom tau nrog FTA kev tawm tsam?

A: Tsis tau. Lwm cov koom haum yeej txhawb tau los ntawm lwm txojkev thiab, tabsis Fresno Unified tseem tabtom sib tham nrog cov koom haum. Lwm cov koom haum yuav tsis muaj cai koom kev tawm tsam yog lawv tsis tau lo sib tham siv cov txheej txheem sib cav, uas muaj qhov kev sib kho thiab kev tshawb nrhiav qhov tseeb.

14) Q: Kuv yog ib tug tswv cuab ntawm FTA, yog tias kuv tsis tawm tsam, yuav ua li cas rau kuv?

A: Yog tias koj tuaj ua haujlwm, lub District yeej yuav them koj cov nyiaj hli rau koj.

15) Q: Yog cov xibfwb tsis koom kev tawm tsam, lawv puas yuav raug xa mus txhawb cov tub ntxhais kawm ntawv rau lwm lub tsev kawm ntawv lossis lwm chav kawm thaum tsis muaj cov xibfwb los yog tus xibfwb hloov chaw?

A: Yog tias cov xibfwb uas tsis koom kev tawm tsam thiab nyob hauv nws lub tsev kawm ntawv txhawb nqa cov tub ntxhais kawm, tej zaum lawv yuav tau txais cov tub ntxhais kawm ntxiv lossis raug ntxiv haujlwm. Tej zaum kuj yuav tsis muaj, tiamsis yog lub district muaj kev xav tau no los yuav muaj feem xa lawv mus rau lwm qhov chaw.

16) Q: Kuv yog tus xyaum ua ib tug xibfwb qhia ntawv, qhov kev tawm tsam yuav tsuam tshuam rau kuv li cas?

A: Cov xyaum ua xibfwb yuav tsum nrog lawv cov coj nyob pem tsev kawm ntawv qib siab tham. Tej lus nug txog kev ua haujlwm hloov cov xibfwb qhia ntawv yuav tsum hu rau Human Resources.

17) Q: Kev tawm tsam tsis ua haujlwm yuav ntev li cas?

A: Yeej tsis paub li, vim Fresno Unified tsis tau muaj kev tawm tsam txij thaum xyoo 1978 los txog niaj hnuv no. Xyoo ntawv, kev tawm tsam ntev lis yim hnuv. Xyoo tas los, Yuba City tau ntsib ib qho kev tawm tsam ntev txog xya hnuv.

18) Q: Muaj neeg hais rau kuv hais tias yog kuv tsis cia kuv tus menyuam nyob tsev thiab tsis txhawb kev tawm tsam, kuv yuav raug xa rov qab mus kub teb chaw raws li kuv qhov xam xaj. Qhov hais no, puas muaj tseeb?

A: Tsis muaj, tsis muaj tseeb kiag li. Lub District yog qhov chaw nyab xeeb rau tag nrho cov tub ntxhais kawm hauv Fresno Unified thiab lawv tsev neeg. Qhov no yeej yuav tsis hloov thaum muaj kev tawm tsam. Lub District qhov kev nyab xeeb tau hais tseg li ntawv. Lub District yuav tsis koomtes nrog cov kev immigration nyob hauv nws tej tsev kawm ntawv los yog tej chaw haujlwm raws li txoj cai ua tau.

19) Q: Yog thaum kev tawm tsam tshwmsim, puas yuav cuam tshuam rau hauv tej haujlwm hauv zej zog?

A: Muaj. Yog thaum muaj kev tawm tsam lawm, yuav kom muaj kev nyab xeeb thiab kev ruaj ntseg rau lub District tej chaw, txhua yam muaj nyob hauv cov tsev kawm ntawv yuav raug ceev tseg xws li cov rooj sib tham hauv zej zos, cov koom txoos, cov kev ua kis las, cov chaw kho mob, thiab kev uasis ntawm cov tsev kawm ntawv yuav tsis muaj.



20) Q: Muaj lus taug xaiv hais tias cov tub ntxhais kawm ntawv yuav tsis tau txais cov qhab nia yog tias cov xibfwb tawmtsam. Lawv ntshai, tshwj xeeb yog peb cov tub ntxhais nyob qib 12. Qhov no puas muaj tseeb? (Ntxiv rau 10-11-17)

A: Tsis muaj tseeb. Cov tub ntxhais kawm ntawv uas mus kawm ntawv thaum muaj kev tawm tsam yuav tau txais qhab nia rau kev kawm thiab kev tuaj kawm ntawv. Txawm hais tias tejzaum cov kev sib tw rau peb cov tub ntxhais kawm middle thiab high school yuav lig mentsis los, tag nrho cov tub ntxhais kawm yeej yuav tau txais lawv cov qhab nia.



21) Q: Kuv yog ib tus neeg ua hauj lwm raws xuaj moos uas tau them rau hauv daim ntawv cog lus nrog Extra Services. Yog tias kuv tsis tuaj ua hauj lwm thaum muaj kev tawm tsam kuv totaub tias lawv yuav tsis them kuv, tabsis puas xam tias yog kuv tso haujlwm tseg? (Ntxiv rau 10-11-17)

A: Yog. Koj yuav raug ntuas raws li District cov kevcai tso haujlwm tseg (job abandonment).



22) Q: Cov IEP puas yuav raug teem caij dua thaum muaj kev tawmtsam? (Ntxiv 10-11-17)

A: Raug. Txhua cov IEP tau teem rau lub sijhawm muaj kev tawmtsam, yuav raug teem dua caij tshiab vim cov xibfwb yuav tsis nyob.



23) Q: Kuv yog ib tug xibfwb thiab npaj ua haujlwm thaum muaj kev tawm tsam, kuv puas tau \$ 500 ib hnuv raws li tus nqi them tshwj xeeb? (Ntxiv 10-11-17)

A: Tsis tau: Kev them nyiaj rau cov xibfwb tsuas muaj raws li tej lus cog tseg nyob hauv phau Collective Bargaining Agreement (CBA), uas yuav tsum tau sib tham. Qhov no tsis yog ib feem ntawm cov lus cog tseg nrog FTA.



24) Q: Kuv xav nyob qhia kuv cov tub ntxhais kawm ntawv tab sis kuv kuj xav txhawb kuv cov phoojywg nyob hauv FTA thiab. Kuv koom kev tawmtsam ib hnuv hla ib hnuv puas tau? (Ntxiv 10-11-17)

A. Tsis tau. Kev tawmtsam ib hnuv hla ib hnuv yog yuam cai.



25) Q: Kuv xav tuaj ua ib tug xibfwb hloov thaum lub sijhawm tawm tsam. Txhua leej ua tau lossis yuam tsum muaj ntaub ntawv thaj li ua tau? (Ntxiv 10-11-17)

A: Ua ib tug xibfwb hloov, cov neeg thov yuav tsum kawm tiav daim Bachelor's degree thiab muaj tsawg kawm ib yam ntxiv xws li nram qab no thiaj li tsimnyog raws li cov Basic Skills requirement: xeem dhau daim CBEST, CSET, CSU early assessment program lossis CSU Placement Exams, tau qhabnia siab txaus rau SAT thiab ACT, xeem tau qhabnia 3 los siab tshaj nyob rau College Board Advanced Placement (AP), lossis xeem dhau ib qho Basic Skills Exam los ntawm lwm lub xeev los.



26) Q: Yog kuv txiav txim siab cia kuv tus me nyuam nyob hauv tsev thaum muaj kev tawm tsam, puas yuav zam nws cov hnuv tsis mus kawm ntawv? (Ntxiv 10-11-17)

A: Tsis zam. Txawm hais tias cov niam txiv yuav txiav txim siab cia lawv cov tub ntxhais kawm ntawv nyob tsev thaum tus xibfwb tsis tuaj ua haujlwm los qhov no tsis yog ib qho yuav zam tau. Raws li txoj cai tswjfwv (AR) 5113, cov tub ntxhais kawm ntawv yuav raug zam tsis tuaj kawm ntawv thaum lawv muaj mob, muaj teem mus ntsib tej kws khob mob kho hniav, thiab kev ib siab ob qig rau tsev neeg. Yog tus thawj xibfwb hauv tsev kawm ntawv pom zoo, kev mus ntsib xam thiab tej caij so hauv kab lig kevcai yuav raug zam tau.



27) Q: Cov tub ntxhais kawm tabtom nug seb lawv puas yuav raug xa mus nyob hauv lub gym saib yeeb yaj kiab txhua hnuv. Puas yog yuav npaj ua li no? (Ntxiv 10-11-17)

A: Tsis yog. Lub District yuav npaj ntaub ntawv qhia rau txhua hnuv uas muaj kev tawmtsam.

Yog tias koj muaj lus nug ntxiv, hu rau Fresno Unified Human Resources ntawm 457-3500.

Fresno Unified yuav muab xov xwm tshiab rau Cov Lus Nug.